

Հավելված
ՀՀ կառավարության 2020 թվականի
հունվարի 23 -ի N 53 - Լ որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ԶՈՐԻ ՄԱՐԶԻ ՋԵՐՄՈՒԿ ՔԱՂԱՔԻ
ԲԱԶՄԱԲՆԱԿԱՐԱՆ ԲՆԱԿԵԼԻ ՇԵՆՔԵՐԻ ՍԵՅՍՄԻԿ ԽՈՑԵԼԻՈՒԹՅԱՆ
ԳՆԱՀԱՏՄԱՆ ՊԻԼՈՏԱՅԻՆ ԾՐԱԳԻՐ

I. ՆԵՐԿԱ ԻՐԱՎԻՃԱԿԸ

1. 1988 թվականի Սպիտակի ավերիչ երկրաշարժի հետևանքների վերլուծությունը ցոյց է տվել, որ Հայաստանի Հանրապետությունում գոյություն ունեցող շենքերի գերակշռող մասի սեյսմակայունությունն ավելի ցածր է, քան սպասվող սեյսմիկ վտանգի մակարդակը:

1989 թվականից սկսած սեյսմիկ ռիսկի նվազեցմանն ուղղված մեծ մասշտարի աշխատանքներ են իրականացվել Հայաստանի Հանրապետության հյուսիսային մարզերում: Կատարվել է շենքերի ու շինությունների դասակարգում ըստ վնասվածության աստիճանի, ապամոնտաժվել են վթարային շենքերն ու շինությունները, իսկ չափավոր և զգալի վնասվածքներ ունեցողները՝ վերականգնվել և ուժեղացվել են: Միևնույն ժամանակ Երևանն ու Հայաստանի Հանրապետության մասնակի մարզերը, որոնք նույնական ընկած են բարձր սեյսմիկ ռիսկի գոտիներում, ինչ-որ տեղ անտեսվել են:

2. Այս ծրագրի շրջանակներում բազմաբնակարան բնակելի շենքերի սեյսմիկ խոցելիության գնահատման աշխատանքները դիտվում են որպես սեյսմիկ ռիսկի նվազեցմանն ուղղված միջոցառումների առաջին փուլ: Հետազոտվող բնակավայր է ընտրվել Զերմուկ քաղաքը, քանի որ այն Հայաստանի Հանրապետության մայրաքաղաքից դուրս գրոսաշրջության առաջատար քաղաքներից մեկն է:

3. Զերմուկ քաղաքի բազմաբնակարան բնակելի շենքերի գերակշռող մեծամասնությունը նախագծվել և կառուցվել են մինչև 1988 թվականը, և նրանց նախագծման հիմքում ընդունված սեյսմիկ ուժերն անհամեմատ ցածր են սպասվելիք ուժերից: Այդ է վկայում Հայաստանի Հանրապետության տարածքի երկարաժամկետ սեյսմիկ վտանգի 1:500000 մասշտաբի հավանականային գնահատմամբ նոր քարտեզը, որը կազմվել է Համաշխարհային բանկի ֆինանսավորմամբ և հաստատվել Հայաստանի Հանրապետության արտակարգ իրավիճակների նախարարի 2018 թվականի հոկտեմբերի 27-ի N 1261-Ն հրամանով:

II. ԾՐԱԳՐԻ ԽՆԴԻՐՆԵՐԸ ԵՎ ՆՊԱՏԱԿՆԵՐԸ

4. Զերմուկ քաղաքում գոյություն ունեցող բազմաբնակարան բնակելի շենքերի սեյսմիկ խոցելիության աստիճանի գնահատումը և սեյսմիկ ռիսկի նվազեցումը պահանջում է դրանց մանրամասն հետազնում, որը հանդիսանում է նախնական փուլ սոցիալական և տնտեսական տեսանկյունից ընդունելի սեյսմակայունության մակարդակ ապահովելու համար:

Կարևորագույն խնդիր է շենքերի փաստացի տեխնիկական վիճակի գնահատումը, նրանց ծավալահատակագծային ու կոնստրուկտիվ լուծումների ուսումնասիրումը, փաստացի սեյսմիկ խոցելիության գնահատումը՝ հաշվի առնելով վերջին երկրաշարժերի հետևանքներն ու կուտակված փորձը:

Ծրագրի ընթացքում կվերլուծվեն շենքերի նախագծային փաստաթղթերը, իսկ դրանց բացակայության դեպքում կիրականացվեն չափագրման աշխատանքներ: Չափագրման աշխատանքներն իրականացվելու են Հայաստանի Հանրապետության արտակարգ իրավիճակների նախարարության ռեսուրսների հաշվին: Կուտամնասիրվեն շենքերի կրող կոնստրուկտիվ տարրերը, կզնահատվեն երկաթբետոնե ու մետաղական կոնստրուկցիաների վնասվածքների աստիճաններն ու առաջացման պատճառները,

կորոշվեն բետոնի ամրության բնութագրերը, խտությունն ու որակը, կոնստրուկտիվ տարրերի միացումների որակը և այլն:

5. Հետազննություններն ամբողջական դարձնելու համար նախատեսվում են օգտագործել կրող կոնստրուկտիվ տարրերի ամրության բնութագրերի որոշման ժամանակակից սարքավորումներ, թվային հեռաչափական լազերային գործիքներ, ինչպես նաև թվային ֆոտոխցիկներ, որոնց միջոցով կլուսանկարվեն կոնստրուկցիաներում բացահայտված վնասվածքները, թերությունները, դեֆորմացիաները, ինչպես նաև շենքերի ընդհանուր տեսքերը, որպեսզի դրանցից առավել բնութագրականները ֆիքսվեն եզրակացություններում: Ժամանակակից սարքավորումներով կորոշվեն ուսումնասիրվող շենքերի դինամիկ բնութագրերը:

6. Հայաստանի Հանրապետության արտակարգ իրավիճակների նախարարության «Մեյսմիկ պաշտպանության տարածքային ծառայություն» պետական ոչ առևտրային կազմակերպության կողմից մշակված այս ծրագրի նպատակն է գնահատել Ձերմուկ քաղաքի գոյություն ունեցող բազմաբնակարան բնակելի շենքերի սեյսմիկ խոցելիության աստիճանը և սեյսմիկ ռիսկի նվազեցման ուղղությամբ մշակել առաջարկություններ:

III. ԾՐԱԳՐԻ ԻՐԱԿԱՆԱՑՄԱՆ ՀԻՄՆԱԿԱՆ ՄՈՏԵՑՈՒՄՆԵՐԸ

7. Ծրագրի իրականացմանը կարելի է հասնել հետևյալ 4 խնդիրների հերթական լուծմամբ՝

- 1) Ձերմուկ քաղաքի կառուցապատման տվյալների բազայի հավաքագրում.
- 2) բազմաբնակարան շենքերի մանրամասն հետազննում.
- 3) բազմաբնակարան շենքերի սեյսմիկ խոցելիության գնահատում.
- 4) առաջարկություններ բարձր սեյսմիկ խոցելիություն ունեցող բազմաբնակարան շենքերի ուժեղացման վերաբերյալ:

8. Ծրագրի իրականացման պատասխանատու մարմին է հանդիսանում **Հայաստանի Հանրապետության արտակարգ իրավիճակների նախարարությունը**, իսկ համակատարողը՝ Շերմուկի քաղաքապետարանը: Ծրագիրը նախատեսվում է իրականացնել **Հայաստանի Հանրապետության արտակարգ իրավիճակների նախարարության ռեսուրսների հաշվին:** Նախնական տվյալներով ծրագրի կատարման ժամկետը մոտ 9 ամիս է, իսկ արժեքը կկազմի մոտ 10 մլն դրամ:

IV. ԱԿՆԿԱԼՎՈՂ ԱՐԴՅՈՒՆՔԸ

9. Սույն ծրագրի իրականացումը հնարավորություն կտա գնահատելու տարրեր ծավալահատակագծային ու կոնստրուկտիվ լուծումներ ունեցող բազմաբնակարան շենքեր, որոնք կառուցված են տարրեր գրունտային պայմաններում ըստ սեյսմիկ հատկությունների: Այս աշխատանքի արդյունքում պարզ կդառնան նաև գոյություն ունեցող մնացած բոլոր նմանատիպ շենքերի սեյսմիկ խոցելիության աստիճանը Շերմուկ քաղաքում և կրաքարացնի ինչպես բնակչության, այնպես էլ պետական մարմինների պատրաստվածության մակարդակը դիմակայելու ուժեղ երկրաշարժերին, զգալիորեն ցածրացնել տարածաշրջանի սեյսմիկ ռիսկը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ**

Է. ԱՂԱՋԱՆՅԱՆ